

Ishonch

Юрт тараққийети йўлида бирлашайлик!

2022 йил
20 октябрь
пайшанба
№ 128 (4724)

Ўзбекистон касабаси уюшмалари Федерацияси нашри • Газета 1991 йил 21 мартдан чиқа бошлаган

Тил – миллий ғурури

Зулфия МҲМИНОВА

СЕН БОРДИРСАН, ДЕМАК, ЎЗБЕК БОР

Аллоҳимни танитган ҳайрат,
Нима қилсам мендан розисан?
Навоийдек мухташам, ҳазрат,
Қошғарийнинг жойнамозисан.
Авлиёлар тутган тасбеҳсан,
Сочилмассан, тупроқ бўлмассан.
Оловлардан ўтган Қақнуссан,
Сен ўлмассан! Йўқ, сен ўлмассан!
Менинг учун сендан улуғ йўқ,
Она тилим – бузруквор шоҳим.
Сен бордирсан, демек, ўзбек бор,
Она тилим – олампаҳим.



Ҳаким Йўлдошев олган сурат

Фарғона вилояти

Маданият, спорт ва туризм ходимлари касабаси уюшмаси Республика кенгаши ташаббуси билан тармоқ касабаси уюшмаси Фарғона вилояти бирлашган қўмитаси тасарруфидоги ташкилотлар иш берувчилари ва бошланғич касабаси уюшмалари раислари иштирокида давра суҳбати бўлиб ўтди.

Давра суҳбати

ДОЛЗАРБ МАВЗУДА МУЛОҚОТ

Тадбирда тармоқ ходимлари касабаси уюшмаси Республика кенгаши раиси Шухрат Дехқонов тизимда фаолият юритаётган соҳа ходимларининг ижтимоий-иқтисодий, маданий-маърифий ва ҳуқуқий интеллектуал манфаатларини ҳимоя қилиш борасида олиб борилаётган ишларга тўхталди. Сўнг соҳа ривожига тўсиқ бўлаётган, ечимини кутаётган долзарб муаммолар муҳокама қилинди.

Музокаралар давомида сўзга чиққан Кува тумани 13-болалар мусиқа ва санъат мактаби директори Ш.Раҳимова, Қўқон шаҳри 7-болалар мусиқа ва санъат мактаби касабаси уюшма қўмитаси раиси Ф.Тураджанов ва бошқалар бошланғич касабаси уюшма қўмитаси раислари ҳамда иш берувчилар томонидан олиб борилаётган ишлар самардорлиги тўғрисида фикр-мулоҳазалари ҳамда таклифларини билдиришди.

Тадбирда бир қатор фахрийлар, ижтимоий шериклик асосида иш олиб бораётган иш берувчилар ҳамда фаол касабаси уюшма раислари фахрий ёрлик ва эсдалик совғалари билан тақдирландилар.

Манзураҳон АКРАМОВА,
Маданият, спорт ва туризм ходимлари касабаси уюшмаси Фарғона вилояти бирлашган қўмитаси раиси

Сирдарё вилояти

Миллий мониторинг



Жараён қандай кечмоқда?

Миллий мониторинг гуруҳи аъзолари Сирдарё вилоятида пахта ҳосилини териб олишда мажбурий меҳнат ва болалар меҳнати ҳолатларини аниқлаш юзасидан кузатув ишларини амалга оширмоқда. Жумладан, Сайхунбод тумани, «Мустақиллик» маҳалласидаги «Политех Сирдарё» МЧЖ пахта тўқимачилик кластери даласида бўлди. 47 гектарда етиштирилган пахта маҳалла аҳлидан шаклландан 80 нафар теримчи ихтиёрий равишда теришгаётгани аниқланди.

Туманининг «Бўстон» маҳалла фуқаролар йиғинидаги «Абдусаттор» фермер хўжалиги даласига ҳам бордик.

– Сурхондарёдан 290 нафар теримчи

ихтиёрий равишда келган, – дейди отряд раҳбари Холбека Мусаева. – Бу ерда шароитлар эҳтиёж талабларига жавоб беради. 3 маҳал иссиқ овқат, тиббиёт хизматлари амалга оширилмоқда. Терим пуллари вақтида берилмоқда.

Мониторинг жараёнларида болалар ва мажбурий меҳнат ҳолатлари аниқланмади.

Абдуқамол ҲАКИМОВ,
Ўзбекистон касабаси уюшмалари Федерациясининг Сирдарё вилоят кенгаши меҳнат техник инспектори

Қашқадарё вилояти

МАЖБУРИЙ МЕҲНАТ ҲОЛАТИ АНИҚЛАНМАДИ

Шу кунларда касабаси уюшма фаоллари ҳамда Ўзбекистон касабаси уюшмалари Федерациясининг меҳнат инспекторлари Миллий мониторинг гуруҳи таркибида пахта далаларида бўлиб, теримчиларга яратилган шароитлар билан танишмоқда.

Яқинда Қашқадарё вилоятидаги қатор фермер хўжалиқларида аҳвол кўздан кечирилди. Хусусан, Нишон туманидаги «Ибрагимов Абдуҳалил» фермер хўжалиги далаларида пахта терилган 42-сонли отряд аъзолари билан учрашув ўтказилди. Мулоқот чоғида теримчилар билан яқна тартибда меҳнат шартномалари тузилганига гувоҳ бўлдик.

Нишон тумани «Нишон» МФЙ ҳудудида жойлашган оилавий шифокорлик пунктида бўлганимизда 39 нафар ходимнинг барчаси ўз иш жойида эканининг гувоҳи бўлдик.

Мактаб ўқитувчи ва ўқувчилари теримга жалб этилмаганими? Шу саволга жавоб топиш мақсадида Чирочқи туманида «Барак» маҳалласидаги 6-сонли ўрта мактабда бўлдик. 69 нафар ходим ишлайдиган таълим муассасасида 627 нафар ўқувчи тахсил олади. Бу ерда мониторинг ўтказилганда ўқувчилар давомати 98 фоиз экани маълум бўлди. Мажбурий ва болалар меҳнати ҳолатлари аниқланмади.

«Болсувар кўрки» фермер хўжалиги далаларида эса терим қизгин. Бу ерда 107-отряд таркибида 115 киши хирмонга муносиб хисса қўшаётди. Миллий мониторинг гуруҳига бўлган мурожаатдан кейин теримчиларнинг 74 миллион 970 минг сўм пули тўлиқ тўланишига эришилди.

Шунингдек, Яқнабоғ туманидаги «Яхшибоев Бахтиёр деҳқон», «Берди бобо набираси Дурдона», «Қаҳрамон Мирзиё» фермер хўжалиги далаларида бўлганимизда теримчилар билан яқна тартибда меҳнат шартномалари тузилганининг гувоҳи бўлдик.

Уюшмаган аҳолидан ташкил топган ишчилар отрядида махсус саволнома асосида суҳбат ўтказилганда терим пуллари ўз вақтида берилганлиги ойдинлашди. Яратилган шароитлар ва бошқа масалаларда эътирозлар бўлмади.

Анвар ХҲҲАҚУЛОВ,
Ўзбекистон касабаси уюшмалари Федерациясининг меҳнат техник инспектори

Наманган вилояти



Даминовга зарар тўлови доимий тўланади

Абдулбоқи Даминов Мингбулоқ туманидаги 7-сонли умумий ўрта таълим мактабидоги мавсумий ўт ёқувчи бўлиб ишлаб келган. У ўтган йилнинг февраль ойида мактаб биносининг иссиқлик қозонидаги сув қуйиши нозорат қилгани мактаб томига чиққани. Аммо эҳтиётсизлик оқибатида паства кулаб тушиб, оғир тан жароҳати олади.

Ишлаб чиқаришдаги бу бахтсиз ҳодисадан вақтида хабардор бўлган Таълим ва фан ходимлари касабаси уюшмаси Мингбулоқ тумани кенгаши

хошимга етган зарарни ундириш мақсадида мактаб директориغا ёзма мурожаат билан чиқди.

– Унга кўра, жабрланувчининг меҳнатга лаёқатсизлик даражаси Тиббий-меҳнат экспертиза комиссияси томонидан ўрганилди, – дейди Таълим ва фан ходимлари касабаси уюшмаси Мингбулоқ тумани кенгаши раиси Абдурашид Якубов. – ТМЭК хулосасига асосан ходимга иккинчи гуруҳ ногиронлиги белгиланди ва унга 9 миллион 864 минг микдорда бир йўла тўлана-

диган зарар миқдори тўлаб берилди. Шунингдек, ҳар ойда тўланадиган зарар тўлови суммаси ҳам белгиланди.

Шу ўринда таъкидлаш жоизки, зарарни тўлаш суммаси жабрланувчининг эҳтиётсизлик даражасига қараб камайиши ҳам мумкин, лекин бу камайиш эллик фоиздан кўп бўлмаслиги қонунчиликда алоҳида белгилаб қўйилган.

Орзуғул РУСТАМОВА
«ISHONCH»

Кун нафаси

Ўзбекистон Республикаси Президенти **Шавкат Мирзиёев** Туркменистон Президенти **Сердар Бердимухамедов**нинг таклифига биноан 20-21 октябрь кунлари **расмий ташриф билан ушбу мамлакатда бўлади.**

Ўзбекистон Республикаси Президенти **Шавкат Мирзиёев** 2022 йил 19 октябрь кунинг Европа Иттифоқининг Марказий Осиё буйича махсус вакили **Терхи Хақалани қабул қилди.**

«Қасанчиликни ташкил этган тадбиркорлик субъектларини янада қўллаб-қувватлаш чора-тадбирлари тўғрисида»ги ҳукумат қарори қабул қилинди.

Вазирлар Маҳкамаси «2022-2023 йилларнинг қиш-баҳор мавсумида аҳоли ва ижтимоий соҳа муассасалари асосий турдаги қишлоқ хўжалиги маҳсулотларига бўлган эҳтиёжини қондириш буйича қўшимча чора-тадбирлар тўғрисида»ги қарорни қабул қилди.

Вазирлар Маҳкамаси қарори билан «Янги Ўзбекистон юлдузлари» маданият ва санъат миллий мукофоти тўғрисидаги низом тасдиқланди.

Ўзбекистон ташқи ишлар вазирлиги **Владимир Норов** бошчилигидаги делегация Истанбул шаҳрида **Туркий давлатлар ташкилоти (ТДТ)** ташқи ишлар вазирлари навбатдан ташқари йиғилишида иштирок этди.

«Навоийўран» давлат корхонасига Япониянинг «**Itoschi Corporation**» корпорациясининг бош менежери ва «**JOGMES**» компанияси вакиллари ташриф буюрди.

Ветеринария ва чорвачиликни ривожлантириш давлат қўмитаси раиси **Баҳром Норқобилов** Жанубий Кореянинг юртимиздаги Фавқулодада ва мухтор элчиси **Ким Чи Санг** билан учрашув ўтказди.

Ўзбекистон Бош консулхонаси ходимларининг МДҲ билан ҳамкорлик буйича Гуандун иттифоқи раҳбари Го Фэнчжи билан учрашуви бўлиб ўтди.

Бухоро вилояти хокими **Ботир Зарипов** бошчилигидаги делегациянинг Индонезияга амалий сафари доирасида **Индонезия Уламолар кенгаши вакиллари билан учрашуви** ташкил этилди.

Самарқанд шаҳри кўчи тадбирлари доирасида **Япониянинг Нара шаҳри билан биродарлик алоқаларини ўрнатish тўғрисида битим имзоланди.**

Интернет хабарлари асосида тайёрланди

Ҳуқуқ



Навоий вилояти

Навоий давлат кончилиги ва технологиялар университетига қарашли 2-академик лицейда «Ishonch» ва «Ishonch-Доверие» газеталари таҳририяти вакиллари билан ижодий учрашув бўлиб ўтди.

Тадбирни Ўзбекистон касаба уюшмалари Федерациясининг Навоий вилояти кенгаши раиси Назира Тоғаева кириш сўзи билан очди. У дастлаб ижодий учрашувдан қўзланган эзгу мақсадлар ҳақида фикр юритди. Сўнгра «Ishonch» ва «Ishonch-Доверие» газеталарида турли-туман рунклар остида босилаётган мақолаларнинг мазмун-моҳияти ва нечоғли долзарблиги ҳусусида ўз фикр-мулоҳазаларини билдирди. Кўпчиликка маълумки, «Ishonch» Ватанимиз мустақиллиги билан тенгдош нашр саналади. Унинг нишона сони 1991 йил 21 мартда чоп этилган. Ўтган давр мобайнида газета таҳририятида кўплаб фидойи журналистлар, тажрибали муҳаррирлар ишлаган. Бугун ҳам жамоада эллик нафарга яқин қалами ўтқир ва ҳозиржавоб ижодий ходим фаолият юритмоқда. Самарли ижодий меҳнат тўғрисида нашингнинг нуфузи тобора ортиб бормоқда.

Учрашувда Бош муҳаррир Ҳусан Эрматов соҳанинг ўзига хос қийинчилиги ва муаммолари, газетада берилаётган мақола ва хабарларнинг сифати ҳақида батафсил тўхтади. Ҳозирги давр талабидан келиб чиқиб, айниқса, таълим, тилшунослик, тиббиёт, қурилиш ва сааноат соҳаларида учрайдиган муаммоларга бағишланган танқидий мақолаларни кўпайтириш лозимлиги ҳақида



сўз юритди. Бундан ташқари, тадбирда қатнашаётган ўқитувчи ва устозларни ўз касб-корларига тааллуқли баҳс-мунозараларда фаол иштирок этишга, ушбу мақсадда газета таҳририяти билан мустақам алоқа ўрнатилганда, Дилбар Қобулова, Акмалжон Зокиров, Насиба Йўлдошева каби талабалар эса газета янада ўқишли бўлишини, обуначилар кўлига ўз вақтида етиб келишини, мавзулар ранг-баранглигини таъминлаш

учун нималар қилиш лозимлигига оид тақлиф-мулоҳазаларини баён этишди. – Биз шезр ва ҳикоялар, мақола ва хабарлар ёзишга қизиқамиз, – дейди педагогика институти талабаси Дилбар Қобулова. – Фурсатдан фойдаланиб айтмоқчиманки, таҳририят вақти-вақти билан институтига ташиф буюрсалар, айни муддао бўлар эди. Бунга жавобан биз ҳам таҳририятга бориб, у ердаги иш жараёнлари билан танишишга, таниқи қаламакшлар билан юзма-юз мулоқотга киришишга тайёрмиз. Учрашув давомида бундай тақлиф



Нормурод МУСОМОВ «ISHONCH»



Самарқанд вилояти



Ўз услуби, ўз сўзига эга нашр

Ўз ўқувчисига, кўнчак ҳамкорига эга бўлмаган газетанинг нуфузи ва истиқболи мавҳумдир. Шу боис «Ishonch» ва «Ishonch – Доверие» газеталари таҳририяти газетонлар билан учрашувлар уюштириб, уларнинг фикр-мулоҳазалари ва тақлиф-истаклари асосида ўз фаолиятини ташкил этишга интилмоқда.

Муштарийлар билан навбатдаги юзма-юз мулоқот Самарқанддаги «Ипак йўли» туризм ва маданий мерос халқаро университетининг мажлислар залида бўлиб ўтди. Баҳри байтларга чулганган, расмийликдан холи учрашув чоғи мақтовга эмас, таҳлил ва тақлифларга кенг ўрин берилди. Аввало, Ўзбекистон касаба уюшмалари Федерациясининг вилоят кенгаши раиси Суҳроб Рафиқов газетанинг кейинги бир йиллик фаолияти ҳусусида ўз фикрларини билдирди. Чунонки, ушбу нашр салохиятини янада ошириш нафақат ижодий жамоага, балки унинг закий муштарийларига ҳам боғлиқлигини эслатди.

«Ishonch» ва «Ishonch – Доверие» газеталари Бош муҳаррири Ҳусан Эрматовнинг айтишича, бу нашрларнинг ҳар бир сони учун кенг жамоатчилик эътирофи сазовор бўладиган мақолалар саралаб олинди. Таҳлилий ва танқидий-таҳлилий чиқишларга мутахассисларнинг жавоблари муттасил ёритиб борилади. Муштарийларга ўзларини қийнаётган масалаларни кўтариб чиқишлари учун имконият берилади. Масалан, «Жавобини кутаётган саволлар» руқни остида чоп этиладиган мақолалар муаллифлари айнан «Ishonch» ўқувчиларидир. Улар тилга олган муаммолар эълон қилинган, натижаси таҳририят назоратида бўлади. Шунинг учун ҳам танқидий чиқишларнинг аксарияти ижобий ечим топмоқда. Аммо ҳали ҳақли саволларга жавоб беришдан ўзини олиб қочаётганлар ҳам йўқ эмас.

Олий Мажлис Сенати аъзоси, «Зарафшон» – «Самарқандский вестник» газеталари Бош муҳаррири Фармон Тошев ахборот асрида босма нашрлар олдига турган муаммолар ҳақида тўхтади, журналистларнинг машаққатли ва залворли меҳнатларини эътироф этди. Газеталарнинг мазмун-моҳиятини бойитиш, бадий савиясини

Нурилла ШАМСИЕВ «ISHONCH»



Бухоро вилояти

ИШОНЧ ОҚЛАНЯПТИ

«Ishonch» ва «Ishonch-Доверие» газеталари таҳририятининг Бухоро вилоятида ўтказилган «Ishonch» кунлари учрашувда Ўзбекистон касаба уюшмалари Федерациясининг Бухоро вилояти кенгаши раиси Мухаммадқосим Олимов, «Ishonch» ва «Ishonch-Доверие» газеталари Бош муҳаррири Ҳусан Эрматов, Ўзбекистон журналистлари уюшмаси вилоят бўлими раиси Бахтиёр Асадов, «Бухоронома» ва «Бухарский вестник» газеталари Бош муҳаррири Шодмон Сулаймонов, шунингдек, касаба уюшмалари фаоллари, газета муштарийлари, олий таълим муассасалари вакиллари ҳамда оммавий ахборот воситалари ходимлари иштирок этди.



Очиқ мулоқот тарзида ўтган тадбирда Федерациясининг Бухоро вилояти кенгаши раиси Мухаммадқосим Олимов сўзга чиқиб, мамлакатимизда энг зарбдор босма нашрлардан бири бўлган «Ishonch» газетаси саҳифаларида ёритилган долзарб мавзуларга мақолалар, мушоҳадага бой танқидий-таҳлилий материаллар нашр ўқувчилари сони ортиб боришига хизмат қилаётганини таъкидлади. Шундан сўнг газета Бош муҳаррири Ҳусан Эрматов муштарийлар билан самимий мулоқотга киришди.

– Кейинги уч-тўрт йил ичида таҳририят жамоаси газетамизнинг ҳақиқий мухлислари билан шундай учрашувлар ўтказишга эътибор қаратяпти, – деди Ҳ.Эрматов ўз сўзида. – Муштарийлар фикр-мулоҳазалари, тақлиф-истаклари биз учун муҳим. Улардан доимо хабардор бўлишни истаймиз. Ўқувчилар фикрини ўрганиб бориш уларни ўйлантираётган масалаларга муурожаат қилишимизга асос бўлади.

Тадбирда муштарийлар касаба уюшмалари фахрийлари ва фаоллари ҳақида газета саҳифаларида алоҳида рунклар ташкил этиш, фелетон ва танқидий материаллар сонини кўпайтириш ва бошқа масалалар юзасидан тақлифлар билдиришди.

– Таҳлилий-танқидий мақолалар, янги китоблар тарғиботи, меҳнатқашлар муаммоларига бағишланган материаллар нашр мазмундорлигини янада

оширмоқда, – деди Таълим ва фан ходимлари касаба уюшмаси Республика кенгашининг Бухоро вилояти бўйича масъул ташкилотчиси Райхон Носирова. – Муаммолар ёритилиб, уларнинг ечимига чуқур кириб борилиши таҳсинга сазовор. Тақлифим – газетада ходимлар ва касаба уюшмалари фаолларининг ҳуқуқий билимларини оширишга қаратилган материаллар ҳам бериб борилса, мақсадга мувофиқ бўлар эди.

Муштарий Розия Абдуваҳобова «Жавобини кутаётган саволлар» руқни учун тайёрлаган саволини ўқиб берди:



– Мактаб битирувчилари 11 йил давомида мактаблар учун мўлжалланган дарсликларни ўқийдилар. Олий таълим муассасаларининг кириш имтиҳонларида эса рус мактабларида ўқилган дарсликлар асосида тайёрланган тестларни ечишга мажбур бўлишди. Нима учун улар ўқув йилида бир дарсликни ўқигани ҳолда имтиҳонларда мутлақо бошқа дастур асосида тест ечишлари керак?! Ахир рус мактабларида ўзбек тили чет тили сифатида ўргатилади-ку. Агар тест марказида мутахассислар етишмаса, республикамизнинг турли ҳудудларига эълон берган ҳолда тест саволларни жамлашни тақлиф қилган бўлар эдим.

Қизгин савол-жавоблар асосида ташкил этилган қизиқарли викторинада ўн нафар фаол иштирокчи қимматбаҳо совғалар билан тақдирланди.

Шунингдек, учрашув доирасида Журналистлар уюшмаси Бухоро вилояти ҳамда Тошкент шаҳар бўлимлари, шунингдек, «Ishonch» ва «Бухоронома» газеталари ўртасида ҳамкорлик меморандумлари имзоланди.

Дилдора ИБРОҶИМОВА «ISHONCH»



Сирдарё вилояти

Тақдирлаш



Фидойилик эътирофи

Ўзбекистон касаба уюшмалари Федерацияси Сирдарё вилояти кенгашида «Аёллар дафтари»га киритилган хотин-қизлар билан тизимли ишлаш, аёлларнинг муаммоларини ҳал этишда ўзининг фидокорона меҳнати билан барчага намуна кўрсатган масъуллар муносиб рағбатлантирилди.

Тадбирда сўзга чиққан вилоят ҳокими Ғофиржон Мирзаев давлатимиз раҳбари ташаббуси билан ташкил этилган «Аёллар дафтари», унинг натижасида аниқланган муаммолар тизимли ечим топиб, оилаларга қувонч улашилаётганини эътироф қилди.

Гулистон шаҳар «Тараққиёт» маҳалла фуқаролар йиғинидаги вилоят перенатал маркази раҳбари Ҳанифа Содиқова танловнинг «Энг намунали иш берувчи» номинациясида ғолиб деб топилди. «Энг яхши сектор раҳбари» номинациясида ғолиблик Гулистон тумани ҳокими Сайдимқул Бегимқуловга, «Энг яхши маҳалла раиси» номинацияси эътирофи эса Сирдарё туманидаги «Бахмал» МФЙ раиси Элдор Раҳимовга насиб этди. Мирзабод туманидаги «Нурафшон» МФЙ хотин-қизлар

фаоли Мадина Андақулова «Энг яхши хотин-қизлар фаоли» номинацияси ғолиби бўлди.

Боёвут тумани «Марказ» маҳалла фуқаролар йиғинидан Гуломжон Ишқузиёв «Энг яхши ҳоким ёрдамчиси» деган эътирофга эришган бўлса, Ширин шаҳри «Мирзо Улуғбек» МФЙда яшовчи Шахзод Тожиқулов «Энг яхши ёшлар етакчиси» йўналишида 1-ўринни эгаллади.

Барча номинациялар бўйича 1-, 2-, 3-ўрин соҳибларига диплом ва пул мукофотларини вилоят ҳокими, Касаба уюшмалари Федерацияси вилоят кенгаши раиси Рустамбек Турсунмуродов ва ишчи гуруҳ раҳбари Эркин Бойниёзовлар тантанали топширишди.

Озода МАМАДАЛИЕВА, «ISHONCH»



Хоразм вилояти

Меҳнатга яраша рағбат

Ўзбекистон касаба уюшмалари Федерацияси Хоразм вилояти кенгашида болаларни ёзги дам олдириш ва соғломлаштириш ташкилотларининг анжумани ўтказилди. Унда кенгаш раиси Эргаш Юсупов 2022 йилги мавсум якунлари ҳақида маълумот берди.

Жорий йил ёзда вилоят бўйича 33 та оромгоҳда 7-14 ёшгача бўлган 12534 нафар бола соғломлаштирилди. Мавсумга олдиндан пухта ҳозирлик қўрилгани натижасида оромгоҳлар 1 июндан эътиборан очилди. Уларда болаларга таълим-тарбия бериш, сифатли тиббий хизмат кўрсатиш, хавфсизликни таъминлаш учун 480 нафарга яқин педагог, 60 нафардан ортиқ тиббиёт, 60 нафарга яқин ички ишлар идоралари ходимлари жалб этилди.

Бундан ташқари, барча оромгоҳларда кутубхона, ўндан зиёд тўгарак фаолияти йўлга қўйилди. Хар куни маданий-маърифий кеча ва учрашувлар, спорт-соғломлаштириш тадбирлари ўтказилди. Ўз навбатида, кўҳна Хива шаҳрига ва истироҳат боғларига саёҳатлар ташкиллаштирилди.

Оромгоҳларда ижтимоий ҳимояга муҳтож оилалар фарзандларини соғломлаштиришга алоҳида эътибор қаратилди. Шунга мувофиқ, 4000 нафардан зиёд бола жамоа шартномалари ва келишувлари асосида, Меҳрибонлик уйининг 30 нафар, «SOS-Ўзбекистон болалар маҳаллаларининг» 15 нафар тарбияланувчиси, кам таъ-

минланган оилалар фарзандларидан 50 нафари бепул ва имтиёзли равишда дам олдирилди. Қолаверса, Қорақалпоғистоннинг Шуманай ва Тўртқул туманларида яшовчи 1023 нафар ўғил-қиз соғломлаштирилди.

2022 йилги ёз мавсумини мазмунли ўтказишда фаоллик кўрсатган ҳамда бу ишга муносиб ҳисса қўшган мутахассис ташкилот вакиллари ва ходимларини рағбатлантириш чоралари ҳам кўрилди. Шу мақсадда «Энг жонқуяр ҳоким», «Энг яхши ҳамкор», «Энг ғамхўр ҳомий», «Энг масъулиятли ташкилотчи», «Энг намунали оромгоҳ», «Энг яхши оромгоҳ бошлиғи», «Энг фаол етакчи», «Энг ғамхўр тарбиячи», «Энг моҳир тўгарак раҳбари», «Энг яхши спорт мураббийи», «Энг яхши тиббиёт ходими», «Энг яхши пазанда», «Энг фаол ички ишлар идоралари ходими» номинациялари бўйича танлов ўтказилди. Тадбирда ушбу танлов ғолиблари эълон қилиниб, уларга диплом ҳамда совғалар топширилди.

Бекзод РЎЗМЕТОВ, Ўзбекистон касаба уюшмалари Федерацияси Хоразм вилояти кенгаши Маънавий-маърифий ва спорт ишлари бўлими бошлиғи



«Ishonch» газетасининг 2022 йил 13 сентябрдаги сониди «Шаҳар четидagi мавзе ўғайми?» сарлавҳали мақола эълон қилинган эди. Унда Тошкент шаҳри, Янгиҳаёт тумани, Спутник 16«А» мавзесидagi абгор ҳолат ҳақида сўз борган. Таҳририятга мазкур мақола юзасидан бир эмас, тўртта муносабат хати келди. Янгиҳаёт тумани ҳокимининг ўринбосари Д.Халисов имзоси билан келган биринчи хатда, жумладан, шундай дейилган:

«Ishonch»га
жавоб
берадилар...

Бир танқидга тўрт муносабат, НАТИЖА ЭСА...



«Хушнуд» маҳалласида бунёдкорлик, инфратузилмани яхшилаш бўйича ишлар олиб борилмоқда, шунингдек, келгусида бир қанча ижтимоий объектлар қурилиши режалаштирилган. Жумладан, мазкур маҳаллада 2023 йил учун режалаштирилган «Обод маҳалла» дастури доирасида 1620 ўринли умумий ўрта таълим мактаби ва 330 ўринли мактабгача таълим муассасаси қурилиши кўзда тутилган. Шунингдек, бугунги кунда 250 қатновли оилавий поликлиника ҳамда Болалар ва ўсмирлар спорт мактаби биносининг қурилиш ишлари олиб борилмоқда, мазкур объектлар жорий йил якунига қадар фойдаланишга топширилади. Инвестиция дастури доирасида 2023 йилда муқса мактабини қуриш ре-

жалаштирилган бўлиб, жорий йилда лойиҳаолди ва лойиҳалаш ишлари амалга оширилади. Бундан ташқари, жорий йилнинг IV чораги якунига қадар маҳалланинг ички кўчаларида кластер усулида цемент-бетон қопламали қуриш ва таъмирлаш ишлари амалга оширилади. Бугунги кунга қадар маҳалладаги Истиқлол 25 йиллиги, Юксалиш ва Соибўйи кўчаларида шундай ишлар олиб борилган.

Маҳалладаги 16 та янги қурилган уйга сифатли коммунал хизмат кўрсатиш учун аҳоли томонидан очиқ овоз бериш тартиби орқали бошқарув сервис компанияси бириктирилади.

Янгиҳаёт тумани Маҳалла ва нуронийларларни қўллаб-қувватлаш бўлимидан келган жавобнинг асосий мазмуни куйидагича:

«...Маҳалла ҳудудини ободонлаштириш бўйича туман ҳокимлигининг 2022-2023-йиллардаги «Обод маҳалла» дастури доирасида режа асосида маҳалла ҳудудидаги ички йўлларнинг ён қис-

лари (пиёда йўлакчалари) цемент-бетон қопламалари қўйилиб, уларнинг жорий йил якунига қадар фойдаланишга топширилиши режалаштирилган. Бундан ташқари, жорий йил режасида маҳалла ҳудудида оилавий поликлиника қурилиши, мазкур оилавий поликлиника йил охирига қадар фойдаланишга топширилиши режалаштирилган.

Мақоланинг жамоат транспорти етишмаслиги ҳақидаги муаммага «Тошшаҳартрансхизмат» АЖ «...бугунги кунда автобуслар етарли бўлмаган»и билан изоҳлаб, «...янги автобуслар харид қилинган, муаммо бар-тароф этилади» дея ваъда берган ҳолда ечим кўрсатган.

Ўз навбатида мақолага «Янгиҳаёт-Махсустан» ДУК ҳам муносабат йўлаган.

Бошқарма бошлиғи С.Уматов имзоси билан битилган муносабатда келтирилишича, «аҳолининг ҳақли эътирозига сабаб бўлаётган ҳолатлар қатъий назоратга олинган ва тез фурсатларда ваколат доирасида барча зарур чоралар кўрилади».

ТАҲРИРИЯТДАН: Очиғи, таҳририятга келган хатлардан аввалига хурсанд бўлдик. Негаки, матбуотга эътибор бўлса, шунчалик бўлди-да... Аммо хатларнинг мазмуни билан танишар эканмиз, «бу ваъдалар ҳам ваъдалигича қолиб кетмаса эди» деган хаёлга бордик. Негаки, йил охири боряпти. Ҳар ҳолда иссиқ кунларда битмаган иш совуқ ва қировли паллада бажарилиши даргумондек туюлади, кишига. *Назаримизда, мутасаддилар шунчаки ҳисобот учун муносабат йўллаб қўйгандек... Хуллас, вақт кутиб турмайди. Янги йилга ҳам оз фурсат қолди. Биз эса мавзуга яна қайтамиз.



Андижон вилояти

ЕТАКЧИНИНГ МАСЪУЛИЯТИ КАТТА



Маданият, спорт ва туризм ходимлари касаба уюшмаси Андижон вилояти бирлашган қўмитаси тизимида 92 та бошланғич ташкилот 6068 нафар аъзони ўзида бирлаштирган ҳолда фаолият юритади.

Мазкур тизимда ташкил этилган таянч касаба уюшмаси ташкилотларида 2 кун мобайнида Республика кенгаши масъуллари бошланғич касаба уюшма қўмиталарида ходимларнинг ижтимоий-иқтисодий, маданий-маърифий ва ҳуқуқий-интеллектуал манфаатларини ҳимоя қилиш борасида олиб борилган ишлар ўрганилди ҳамда уларга услубий ёрдам кўрсатилди.

Ўрганишлар якунида иш берувчилар ва бошланғич касаба уюшмалари раислари иштирокида давра суҳбати бўлиб ўтди.

Унда Маданият, спорт ва туризм ходимлари касаба уюшмаси Республика кенгаши раиси Шўҳрат Деҳқонов соҳа ходимларининг ойлик маошларини ошириш, уларнинг ҳақ-ҳуқуқларини ҳимоя қилиш, рағбатлантириш ҳамда келгусида амалга оширилиши зарур бўлган режалар борасида ўз фикр-мулоҳазаларини билдирди.

Ишчи-ҳодим ҳуқуқларининг ҳимояланганини, эътибор ва ғамхўрликни сезса, унинг ишида унум бўлади, – дейди Туризм ва хизмат кўрсатиш коллежи директори Барно Назарова. – Бунинг учун бошланғич

касaба уюшма ташкилоти етакчилари манфаатларидан келиб чиққан ҳолда, фидойилик билан фаолият юритишлари керак бўлади. Ўрганиш ва давра суҳбати давомида, ўйлайманки, ҳаммамиз керакли тушунчаларни олдик.

Тадбир сўнггида тизимда жонқуярлик билан фаолият юритаётган бир гуруҳ бошланғич касаба уюшма етакчилари ҳамда фахрийларга Республика кенгашининг ташаккурнома ва эсдалик совғалари топширилди.

Анваржон ҲАЛИМОВ
«ISHONCH»



Тошкент шаҳри

Қишлоқ аёлларини улуғлаб...



Миллий матбуот марказида Ўзбекистон Журналистлар уюшмаси томонидан Халқаро қишлоқ аёллари кўни муносабати билан ижодкорлар ўртасида ўтказилган танлов ғолибларини тақдирлаш маросими ташкил этилди.

Сўзга чиққанлар қишлоқ аёлларининг ижтимоий-иқтисодий ҳаётда фаолиги ортиб бораётгани жамиятда уларнинг меҳнати нечоғли қадри ва аҳамиятга эга эканини кўрсатиши, оилавий тадбиркорлик, хунармандчилик, касаначилик, пилла, шолчилик, деҳқончилик каби соҳаларда қишлоқ аёллари етакчилиги қилишаётганини алоҳида таъкидлашди.

Танловга ижодий ишлар қишлоқ аёлларини қадрлаш ва уларнинг ҳаёт даражасини ошириш, ҳар бир қишлоқ аёли – эътиборда, аёлларнинг бахти – жамиятнинг бахти каби йўналишлар бўйича қабул қилиниб, телевидение, радио,

босма нашрлар ва интернет нашрлари, фото журналистика ва блог-постлар бўйича 40 га яқин оммавий ахборот воситалари вакиллари, журналистлар ҳамда блогерлар ижодий ишлари билан иштирок этгани айтиб ўтилди.

– Ҳар сафар мақолалар тайёрлашда меҳнатқаш ва самимий қишлоқ аёллари би-

лан суҳбат жуда қизиқарли ўтади, – дейди «Фарғона ҳақиқати» газетаси бўлим муҳаррири Гўзалой Охунова. – Теша тегмаган сўзлар, маънолар ҳаммаси шунда. Фидойи аёллар меҳнатига тасаннолар айтиш келади. Улар ўз юмушларини шу қадар сифатли, қизиқарли билан бажарадики, қўриб ҳавасинг келади.

Кўтаринки руҳда ўтган маросимда ғолиблар махсус диплом ва қимматбаҳо совғалар билан тақдирланди.

Комила БОЙМУРОВА
«ISHONCH»



Фарғона вилояти

Саёҳат



Таассуротлар бир олам

Ўзбекистон касаба уюшмалари Федерациясининг Фарғона вилояти кенгаши 25 нафар сўхлик аёлларнинг Фарғонанинг диққатга сазовор жойларига саёҳатни уюштирди.

Саёҳатчилар Фарғона вилояти тарихи ва маданияти давлат музейида бўлиб, музей фаолияти билан яқиндан танишдилар.

– Кўрсатилган эҳтиромдан бошимиз кўкка етди. Бир олам унутмас таассуротлар олдик, – дейди Майрамхон Алибоева. Аёлларнинг мароқли хордиқ чиқаришлари учун Қувасой шаҳридаги «Аҳмад Ал-Фарғоний дам олиш уйи»да спортнинг шашка тури бўйича мусобақа ва концерт дастури ҳам ташкил этилди.

Назиржон АМИНЖОНОВ,
Агросаноат мажмуи ходимлари
касaба уюшмаси Фарғона шаҳар кенгаши раиси



Жиззах вилояти

Боғдорчилик

МУҚОБИЛ ЭНЕРГИЯ АФЗАЛЛИКЛАРИ

Жиззах вилояти ҳақида сўз кетганда, нафақат Зоминнинг бетакрор табиати ва туристик салоҳияти, балки Бахмал туманининг серсүв, қўёш нурига тўйинган, витаминларга бой тотли мевалари ҳақида ҳам тўхталиб ўтиш жоиз. Чунки дастурхонимиздан қишин-ёзин олма, ёнғоқ, олхўри, нок сингари турфа ноз-неъматлар аримаслигида бахмаллик боғбонларнинг ҳам катта ҳиссаси бор. Зеро, тасарруфдаги жами 7763 гектарлик боғнинг учдан бир қисми ҳосилдор ҳисобланади.

Кенжабой Орзиқулов раҳбарлик қилаётган фермер хўжалиги аъзолари асосан олма, узум ва гилос етиштирмоқдалар. Дарахларни суғоришда сув тежовчи технологиялардан фойдаланилади. Шунингдек, ҳудудда ўрнатилган қўёш панеллари ва шамол генератори воситасида боғлар яшиллигини сақлаш борасида ижобий натижаларга эришилмоқда.

– Хўжалигимиз 2014 йили ташкил этилган, – дейди Кенжабой Орзиқулов. – Дастлаб 8 гектар майдонда иш бошлаганмиз. Бугунга келиб, ер майдонимиз 77 гектарга етди. Боғимизда 4 хил навли олма парваришланяпти. Гектаридан 30-35 тоннадан ҳосил олинапти. У ички бозорда сотилапти. Келгусида экспортни ҳам йўлга қўйиш ниятидамиз. Шу мақсадда денгиз сатҳидан 1300 метр баландликда боғ барпо этиб, 25 кишини иш билан таъминлаймиз. Ҳосилни териб

олиш пайтида мавсумий ишчилар сони 150 нафаргача етади.

Кенжабой Орзиқуловнинг қўшимча қилишича, боғ электр энергияси етиб бориши қийин ҳудудда бўлгани сабабли аввал соатиға 3 квт. электр энергияси ишлаб чиқарадиган шамол парраги ўрнатилган. Натижа ижобий бўлгач, боғ ҳудуди янада кенгайтирила бошланди. Бора-бора фермер хўжалиги ишчилари учун электромотоцикллар ҳам харид қилинди. Бу йил олинажак даромад эвазига уларнинг сони 7-8 тага етказилади.

– Муқобил энергиянинг афзаллиги боғимиз яшиллиги таъминланишида яққол намоён бўлди, – дея сўзида давом этади суҳбатдошимиз. – Илгари суғориш мавсумида бу ерларга сув олиб келиш амримаҳол эди. «Яшил энергия»ни қўллаш орқали бу мушкулот ўз ечимини топди. Энг асосийси, ушбу усул сувдан ташқари, электр энергияси учун сарфла-



надиган маблағларни ҳам тежаш имконини бермоқда.

Изланувчан фермер 25 гектар ерда гилосзор ҳам яратган. 5 йил мобайнида тажриба сифатида амалга оширилган ишлар натижасида яхши ҳосил олинди. Келгуси икки-уч йилда гилосзорнинг ҳар гектаридан 25-30 тоннадан ҳосил кўтариш режалаштириляпти. 24 гектар ерга 7 хил навли узум экилган. Жорий йилда гектаридан 30 тоннадан ҳосил йиғиштириб олиш кутиляпти.

– Бахмалда асосан олма етиштирилади, – дейди Агросаноат мажмуи хо-

димлари касаба уюшмаси Республика кенгашининг Жиззах вилояти бўйича масъул ташкилотчиси Акбархон Турсунов. – Етиштирилган ҳосилнинг 45-50 фоизи қайта ишлаш корхоналарига етказиб берилади, қолгани эса ички бозорларда сотилади. Тумандаги «Вахтал Natural juice» МЧЖ бир йилда 20 минг тонна мевани қайта ишлаш қувватига эга бўлиб, жорий йилда 2 минг тонна олма концентрати экспорт қилиниши кўзда тутилмоқда.

Муқимбой ИСМОИЛОВ
«ISHONCH»



Мен ҳар сафар тил ҳақида сўз битаётганда, онам, отам, Ватан ва яна болалигим, ўзим, ғурурим ҳақида ёзаётгандай бўламан.

Хўш, миллий тил нима ўзи? Жаҳон саҳнида миллатнинг яшамоғи унга қай даражада боғлиқ?

Биз миллий ўзлик, миллий қадриятлар ва уларни асраб-авайлаш тўғрисида куйиниб гапираемиз. Аслида уларни ажодлардан авлодларга олиб ўтгувчи ҳам, уларнинг борлигини аён қилгувчи ҳам, мозийни келажак сари етаклагувчи ҳам тил эмасми?

Айтишларича, дунёда 9000 тага яқин тил бўлган. Бугунги манбаларнинг айримларида ҳозир 6000 та, баъзиларида 5600 та атрофида тил мавжудлиги қайд этилган. Бу рақамлар турличалигининг боиси – охириги пайтлар ҳар ойда иккита тил талаффуздан чиқиб кетаётганидир.

Тиллар йўқолишининг ўзига хос сабаблари бор. Биринчиси – мустамлакачилик, яъни бир босқинчи миллат ик-

кинчисини забт этгач, унинг миллий ёзуви ва атамаларини, миллий анъаналарини йўқ қилиш усуллари билан қўл остидаги мамлакатга ўз тилини сингдириши. Иккинчиси – экологик миграция туфайли бир халқнинг бошқа худудга кўчиб ўтиб, аста-секин ўша ерда яшовчи маҳаллий аҳоли тилида сўзлашишга ўтиши оқибатида ўз тилини унутиши. Учинчиси – маъълум бир тилда сўзлашувчи халқнинг завол топиб, қирилиб кетиши.

Ўз ёзуви бўлмаган халқларнинг ҳам тили йўқолиши мумкин. Масалан, мутахассислар бугун турли тилда сўзлашади-кан Африка халқларининг 80 фоизи ўз ёзувига эга эмаслигини таъкидлашади. Бундан ташқари, тил сақланиб қолиши учун камида бир миллион киши ўша тилда сўзлашиши керак. Ҳозир эса, 6000 та тилдан фақат 250 таси шунақа тил ҳисобланади. Улар орасида ўзбек тили ҳам бор! У давлат тили мақомини олган 200 та тил сирасига қиради!

Россиялик лингвист олима М.Козлянина тилимизни ўргана туриб, унинг жуда нафис, муסיқа оҳангидек жозибали эканини айтибди. Бу гапдан хурсанд бўласиз, албатта! Борди-ю, тилимиз кўпол бўлганида-чи, уни семвай кўярмидик? Тилимиз жозибалими-кўполми, бойми-қашшоқми, бундан қатъи назар, биз шу тилда алла эшитганмиз, шу тилда илк сўзимизни айтганмиз. У ўз номи билан ОНА ТИЛИМИЗ!

Энди тил бойлиги хусусида. Абдулла Қодирий «Ўзбек тили камбағал тил эмас, уни камбағал дегувчиларнинг ўзи камбағал. Улар ўз надонликларини тилимизга тўнкамасинлар», деган эди. Дарҳақиқат, тилимизга давлат тили мақоми берилгач, саксон мингдан ортиқ ўзбекча сўзларнинг беш жилдан изоҳли луғати тузилди. Шунингдек, олимлар буюк ёзувчи ва шоирларнинг сўз бойлигини сарҳисоб қилдилар. Пировардида Пушкин 21 минг 197 та, Шекспир 20 мингтага яқин сўз қўллагани, Алишер Навоийнинг сўз бойлиги 26 мингтадан ортиқ эканлигини аниқладилар.

Зеро, бу тилда ҳар қандай воқеани мукаммал баён этиш, ҳар қандай бадийий асарга тайлал берши мумкин. Масалан, рус тилида «уят» маъносини англатувчи «стыд» сўзи бор. Тўғри, бу ўринда «позор» сўзини ҳам келтириш мумкин, аммо у кўпроқ «шарманда» маъносини билдиради. «Уят» сўзининг ўзбек тилидаги маънодошлари эса анча кўп: «ор», «номус», «ҳаё», «ибо», «шарм», «изза», «уялиш», «қимтиниш», «тортиниш» ва ҳоказолар. Бир қарашда, улар синонимларга ўхшайди, бироқ ҳар бири уялмоқнинг қайсидир даражасини англатади. Фикримизни ифодалашда қаердадир «тортиниш» сўзи мос тушса, қаердадир «қимтиниш» сўзи «ейди». Кўрдингизми, мана шу ерда ҳам «мос тушди» сўзи ўрнида «ейди» сўзи «ейди». Мен бу билан

бошқа тилларни камситмоқчи эмасман, балки ўзбек тили она тилим эканини, уни онамдай яхши кўришимни эслатмоқчиман.

Энди яқиндагина рўй берган бир воқеани айтиб берай: инглиз тилини билишини тасдиқловчи «патта»си бўлмагани учун қўллаб билимли ёшлар магистратурага ҳужжат топшира олмади. Оқибатда ажратилган 7000 та ўрин бўш қолиб кетди. Мантиқан олганда, бу тўғрими? Ҳатто, собиқ Иттифоқ даврида ҳам «Рус тилини билмасанг, ўқишга киролмайсан», дейишмаган. Ўқишга киролган сўнг дарслар рус тилида ўқитилиши бошқа масала. Чунки ўша вақтларда рус тили давлат тили сифатида белгиланганди.

Бизда-чи? Нега қайсидир соҳанинг яхши мутахассиси, билимдони ўз она тилида бийрон гапирса-да, хорижий тили билмагани учун ўқишни давом эттира олмаслиги керак?

Мен болаларимизнинг тил ўрганишига зинҳор-базинҳор қарши эмасман. Майли, улар ўнлаб тилни ўрганишсин. Биз бундан фақат қувонамиз. Лекин «Хорижий тили билмасанг, ўз она юртингда, ўз она тилингда сабоқ берилмаган олий ўқув юртига ўқишга кира олмайсан», дейиш салла ўрнига калла олишга ўхшамаптими? Бошқача айтганда, мана шунинг ўзи ҳам она тилимизга ҳурматсизлик эмасми?

Бундан сал олдин чет элга ўқишга

кетаётган, миллати ўзбек бўлган ёшларни суҳбатдан ўтказдик. Улар рус мактабидида ўқиган, инглиз ёки француз тили курсларига қатнаган. Шу боис бу тилларни пухта ўрганишган. Бироқ, минг таассуфки, миллий тилимизни яхши билишмайди. Агар «Ўзбек тилига қачон давлат тили мақоми берилган?» деб сўрасангиз, айримлари «Ўзбекча гапиришга қийналаман, майлими, русчада ёки инглизчада жавоб берсам», дейишди ва бундан заррача уялишмайди. Ораларида ўзбекча сўзларни инглизча талаффуз қиладиганлари ҳам топилади.

Аслида она тилига нисбатан эътиборсизлик ва ҳурматсизлик миллий ғурур этишмаслигининг белгисидир. Миллий ғурури сўниқ миллатнинг келажиги бўлмайди. Модомики, шундай экан, бизни бугунги ёруғ кунларгача етаклаб келган, ўтимишимизни, қадриятларимиз, урф-одатларимиз, анъаналаримиз, ажодларимиз меросларини асрлар силсиласидан олиб ўтган, онамиз овозида кулогимизга аллалар куйган Она тилимизни қадрлаш ҳар биримизнинг шарафли бурчимиздир.

Шахло АХРОРОВА,
фалсафа фанлари бўйича фалсафа доктори(PhD), Республика Маънавият ва маърифат маркази ҳузуридаги Ижтимоий маънавий тадқиқотлар институти катта илмий ходими

21 октябрь – Ўзбек тилига Давлат тили мақоми берилган кун

Тил – миллат ғурури

МУАССИС:
O'zbekiston kasaba uyushmalari Federatsiyasi
2007 йил 11 январда Ўзбекистон Матбуот ва ахборот агентлигида 116-рақам билан рўйхатга олинган.

«Ishonch» va «Ishonch-Doverie» gazetalarini taхрир хайъати:

- Кудратилла РАФИҚОВ (тахрир хайъати раиси),
- Улуғбек ЖАЛМЕНОВ,
- Анвар АБДУМУХТОРОВ,
- Сайфулло АҲМЕДОВ,
- Акмал САИДОВ,
- Равшан БЕДИЛОВ,
- Қутлимурот СОБИРОВ,
- Сўхроб РАФИҚОВ,
- Шоқосим ШОИСЛОМОВ,
- Ҳамидулла ПИРИМҚУЛОВ,
- Нодира ҒОЙИБНАЗАРОВА,
- Анвар КУЛМУРОДОВ (Бош муҳаррирнинг биринчи ўринбосари),
- Меҳридин ШУКУРОВ (Масъул котиб – «Ishonch»),
- Валентина МАРЦЕНЯК (Масъул котиб – «Ishonch-Doverie»)

Бош муҳаррир
Хусан ЭРМАТОВ

Бўлимлар:
Касаба уюшмалари хайъти – (71) 256-64-69
Ҳуқуқ ва халқаро ҳаёт – (71) 256-52-89
Миллий-маънавий қадриятлар ва спорт – (71) 256-82-79
Хатлар ва муҳбирлар билан ишлаш – (71) 256-85-43
Маркетинг ва обуна – (71) 256-87-73

www.ishonch.uz
сайти орқали Ўзбекистон Республикаси Президентининг фармон ва қарорлари, энг сўнги янгиликлар, таҳлилий, танқидий мақолалар, хабарларнинг тўлиқ матни билан танишишингиз мумкин.

Ҳудудлардаги муҳбирлар:
Андижон вилояти – (+998-99) 889-90-23
Жиззах вилояти – (+998-99) 889-90-34
Наманган вилояти – (+998-99) 889-98-02
Навоий вилояти – (+998-99) 889-90-28
Самарқанд вилояти – (+998-99) 889-90-26
Сирдарё вилояти – (+998-99) 889-98-55
Сурхондарё вилояти – (+998-99) 889-90-32
Фарғона вилояти – (+998-99) 889-90-24
Қорағон вилояти – (+998-99) 889-98-01
Қашқадарё вилояти – (+998-99) 889-90-27

«Ishonch»дан олинган маълумотларда манба сифатида газета номи кўрсатилиши шарт.
Муаллифлар фикри таҳририят нуқтаи назаридан фарқлиниши мумкин.

Навбатчи муҳаррир:
З. Рихсиев

Мусаҳҳиллар:
Д. Худойберганава,
Д. Равшанова

Саҳифаловчи:
Ҳ. Абдужалилов

Босишга топшириш вақти – **23:20**
Тошпирилиди – **23:30**

Газета офсет усулида, А-2 форматда босилди. Ҳажми 2 босма табақ.
Буюртма **Г-1006**
31342 нусхада босилди.
Нашр кўрсаткичи: **133**

1 2 3 4 5 6

Баҳоси келишилган нарҳда

Манилимиз:
100165, Тошкент шаҳри,
Бухоро кўчаси, 24-уй.
E-mail: ishonch1991@yandex.uz

Газета ҳафтанинг сешанба, пайшанба ва шанба кунлари чиқади.
Газета «Ishonch»нинг компьютер марказида терилди ва саҳифаланди.

«Sharq» наشريёт-матбаа акциядорлик компанияси босмаҳонасида чоп этилди.

Корхона манзили:
Буюк Турон кўчаси, 41-уй.

Таҳририят ҳисобрақами:
2021 0000 0004 3052 7001,
АТИБ «ipoteka bank»
Яшнобод филиали,
Банк коди: 00959,
СТИР: 201133889,
ОКЭД: 58130

Зебо НАМЗООВА
«ISHONCH»

Мутулаа

«Ҳар бир китобнинг, одамлар сингари ўз тақдири, қисмати бор. Баъзилар ўзларидан ҳеч бир из қолдирмай дунёдан ўтиб кетсалар, бошқаларнинг номлари юз йиллар, минг йиллар оша ҳам яшайди, мангу ўчмайди. Китоблар ҳам шундай: баъзилари ёзувнинг бўёғи қурумасдан умрини тугатади, айримлари асрлар давомидида инсониятга ҳамкор, йўлдош бўлади, унга беминнат хизмат қилади».

Бўлажак журналистларга ажойиб қўлланма

Бу жумлаларни «Таълим медиа» нашриёти томонидан нашр этилган «Фикр кудрати» китобида ўқишингиз мумкин. Асар муаллифи Махмуд Саъдий эса кўпчиликка, айниқса, журналистлар ва филологларга истеъдодли қаламкаш, етук публицист, қаттиққўл муҳаррир, моҳир таржимон сифатида яхши таниш.

У 1939 йили Самарқанд вилоятининг Нарпай туманида туғилган. Тошкент давлат университети (ҳозирги Ўзбекистон Миллий университети) журналистика факультетида тахсил олган. Сўнгра «Ленин учқуни» (ҳозирги «Тонг юлдузи»), «Маърифат» газеталари, «Шарқ юлдузи», «Гулистон» журналларида турли лавозимларда ишлаган. 32 йил «Ўзбекистон адабиёти ва санъати» газетасида бўлим муҳаррири вазифасини бажарган. Ўзбек адабиётининг долзарб муаммоларига бағишланган кўплаб адабий-танқидий мақолалар ёзган, соҳа намояндлари билан мулоқотлар уюштирган. Шунингдек, Ўзбекистон давлат жаҳон тиллари университетининг журналистика факультети талабаларига ўзи яратган «Тахрир санъати» ўқув дастури бўйича сабоқ берган. Ҳалол меҳнатлари эвазига «Ўзбекистон Республикаси Мустақиллигига 15 йил» кўркак нишони, «Фидокорона хизматлари учун» ордени, «Ўзбекистон Республикасида хизмат кўрсатган журналист» фахрий унвони билан тақдирланган, «Олтин қалам» халқаро миллий мукофотига лойиқ қўрилган.

«Фикр кудрати»дан ана шу заҳматкаш инсоннинг сараланган хотиралари, шоир-ёзувчилар, адабиётшунос олимлар ва бошқа касб эгалари билан суҳбатлари ҳамда таржималари ўрин олган. Мен уларни ўқиб, амин бўлдимки, тўпламга жуда тўғри ном танланган. Бундай дейишимнинг боиси – китобга ўқувчини фикрлашга қорлайдиган, дунёқарашини кенгайтирадиган мақолалар ва суҳбатлар киритилган.

Бундан ташқари, мақолаларга қўйилган сарлавҳалар ҳам ҳар қандай кишининг диққатини ўзига жалб этади ва сарлавҳа танлаш ҳам ўзига хос бир санъат эканини яна бир бор ҳаммамизга эслатади. Эътиборга сазовор яна бир жиҳати, муаллифнинг мақолалари қаҳрамонлари ва суҳбатдошлари турли ёшдаги ҳар хил касб вакиллари, олим, мунаққид, адиб, элчи, профессор бўлса-да, барчаси илм ва ижод йўлини танлаган, ўз халқининг фидойи инсонларидир. Шу боис бу манбаларни, айниқса, Чингиз Айтматов, Александр Пушкин, Ҳанд Кристиан Андерсен, Лев Толстой, Эдгар Аллан По ва Рабиндранатх Тақуар каби дунёга машҳур инсонлар ҳақида мақолаларни иштиёқ билан ўқийсиз.

Мен Махмуд Саъдийнинг «Фикр кудрати» китобини мутулаа қиларканман, ҳақиқий журналист қандай бўлиши, нималар қилиши ва ёзиш жараёнида қандай тартиб-қоидаларга риоя қилиши лозимлигини тушуниб етдим. Ўйланманки, бу келгусидаги ижодий фаолиятимда ҳам жуда қўл келаяди.

Гавҳар ЭШОНҚУЛОВА,
ЎзЖОКУ талабаси

Қорақалпоғистон Республикаси

ҚўШ СОҲИЛ БУЛБУЛИНИ ХОТИРЛАБ...

Тўртқўл туманидаги Маданият саройида Ўзбекистон, Қорақалпоғистон, Туркменистон ва Таристон халқ артисти Отажон Худойшукуров таваллуд топган сана муносабати билан хотира кечаси ўтказилди.

Тадбирда қўш соҳил булбулини хотирлаб сўзга чиққанлар унинг бетакрор ва жарангдор овози халқимиз қалбидида қолиши ва ҳаммиса барҳаёт эканини таъкидлашди.

Маданият, спорт ва туризм ходимлари касаба уюшмаси Қорақалпоғистон кенгаши раиси Женисбай Яяпов кўп йиллардан буён маданият ва санъат соҳасига ўз ҳиссасини қўшиб келаётган фахрийларга эсдалик совғалари тақдим этди. Хотира кечасида Отажон Худойшукуровнинг шоғирдлари устози репертуаридан жой олган куй-қўшиқлардан намуналар ижро этишди.

Довуд ЕСЕМУРАТОВ

Барҳаёт овозлар

Шахло Шермухаммедова – журналист. У бундан икки йил олдин пойтахтдаги нуфузли таҳририятлардан бирида муваффақиятли фаолият олиб бораётган, ишидан, ижодидан кўнгли тўқ эди. Нафақат ижодда ўз сўзига эга, оиласида севимли ёр, уч нафар ширин фарзанднинг онаси. Ҳуллас, ўзини бахтли ҳисобларди.

ДУНЁНИ ГЎЗАЛИК ҚУТҚАРАДИ

Аммо бир куни... Ошқозониди хасталик аниқланди. Иштаҳасизлик етаклаб борган таҳлил хонасидан «Зудлик билан касалхонага ётишингиз керак», деган кўрсатмани эшитди. Шахло англадики, бунинг ортида катта бир дард бор. Шифокорларнинг тавсияси билан фаолиятини тўхтатиб туришга тўғри келди. Кейин эса операция столи, муолажалар, таҳлил ва текширувлар, хавотирли ва умидли кунлар – бари-бари аралашиб кетди...

Кутилмаган дард турмуш ўртоғининг, фарзандларини яқинларининг кўзига ҳам мунг сочгандек бўлди. Аммо Шахло тушунлиққа тушмади. Фарзандлари ва яқинлари унинг чеҳрасида доим шукроналик ва илиқ табассумни кўришди.

– Таҳририятда ишлаган вақтларим психологлар билан мақолалар тайёрлагандим, – дейди у. – Жумладан, айнан саратон касалликларини ҳам даволаш мумкинлиги, бу хасталикка руҳий ҳолат сабаб бўлиши ҳақида фикр-мулоҳазаларга тўла мақола ёзгандим. Шуларни эслаб, ўзимни қўлга олишга, фарзандларим учун яшашга ҳаракат қилдим. Ўтган кунларимнинг нечоғли



сурурли кечани хотирлаб, ҳар бир дақиқани қадрлашни ўргандим. Касалхонадаги муолажаларини вақти-вақти билан олиб туришим зарурлиги боис, бир мунча вақт касалхонада, бир мунча вақт уйда бўлардим. Масофадан журналистик фаолиятимни олиб боришни жуда истаган бўлсам-да, шифокорлар узоқ муддат компьютер қаршида ўтиришимни тақиқлашди. Мен эса бирор нарса билан банд бўлишни истардим. Шунда декрет таътили даврида яқинларимга

туғилган кунларида саватда гуллар, сарпо қутилари ясаб берганим эсимга тушди ва миямга «балки шу ишимни ривожлантирарман» деган ғоя келди. Чунки ёшлиқдан матолардан гуллар ясашга қизиқардим. Яқинларимнинг яхши кунларида бирор нарса ясаб совға қилардим. Бу ишим ўзимга ҳам завқ бағишларди. Шу боис керакли маҳсулотларни тўплашга киришдим.

Аваллига телеграм, кейинроқ инстаграмда гуруҳ очдим. Ҳозирда 2 мингдан зиёд обуначим бор. Ва шу каналлар орқали деярли ҳар кун буюртма қабул қиламан. Энг асосийси, ҳар бир ясаган ишимдан завқ туйман, одамларга ёқайтирдим кувонаман. Муолажаларни олишда давом этялман. Оллоҳ берган дардини сабр ва шукроналик билан енгишга ҳаракат қилаялман.

Шахло бугун анча тетик, ҳаётга қарашлари умидли. У бу некинликка, аввало оиласи ва яқинларининг меҳри, сўнг ўзи яхши кўриб бажараётган хунари туфайли эришяпти. У бирор курсда ёки устоз қўлида гул яшаш хунарини ўрганмаган. Мустақил, яъни ижтимоий тармоқлардаги видео ва роликлар орқали ушбу хунар сирларидан воқиф бўлган, тажрибасини оширган.

Бошига тушган синовларга қарамай ихлос билан хунар ўрганиш, келажакдан умидини узмаслик ҳақиқий мўмин ва сабрли инсонларга хосдир. Бугун ўз оламида чарх ураётган Шахлонинг ҳаракатларини кўзга эканмиз, «Дунёни гўзаллик қутқаради» деган мўъжизавий каломга яна бир бор ишондик.